

Isticmaalka Caymis Caafimaad Oo Gaar Ah iyo Kaadh Aqoonsi Caafimaad (Medical ID) si Loo Helo Daryeel Caafimaad.

Su'aalo & Jawaabo

S Marka daryeelkayga caafimaad uu bixiyo caymis caafimaad oo gaar ah, maxaan u sheegaa dhakhaatiirtayda ama bixiyeyaasha daryeel caafimaad ee kale?

J Waxa muhiim ah inaad u tagtid bixiyeyaal daryeel ama dhakhaatiir qaadata caymiska gaarka ah iyo Medicaid (kaadh aqoonsi caafimaad) (medical ID card). Marka aad u tagtid dhakhtarkaaga ama bixiyeyaal daryeel caafimaad oo kale, tus caymiska caafimaadka ee gaarka ah iyo kaadhkaaga aqoonsiga caafimaadka (medical ID card).

S Maxaan sameeyaa haddii dhakhaatiirtayda ama bixiyeyaasha daryeel caafimaad ee kale aanay qaadan caymiskayga gaarka ah ama kaadhka aqoonsiga caafimaadka (medical ID card)?

J Waa inaad daydayatid bixiyeyaal daryeel caafimaad oo oggalaan doona Medicaid iyo caymiska gaarka ah labadaba. Waxa laga yaabaa inaad u baahatid inaad wacdid shirkadda caymiska si gargaar lagaaga siiyo helista bixiyeyaal daryeel oo ku yaalla xaafaddaada.

S Imminka oo aan isticmaalayo caymiskayga caafimaadka ee gaarka ah si la iiga bixiyo kharashka, Medicaid miyay wali i caawin doontaa?

J Haa. Marka aad Medicaid iyo isku haysatid caymis gaar ah taasi si dhab ah ayay kuu caawin doontaa. In alaale inta uu kuu banaan yahay Medicaid, waxa na lagu soo dalici karaa kharashka adeegyada aan caymiskaagu bixin, in alaale inta kharashkaasi yahay la oggol yahay in lagu bixiyo kaadhkaaga aqoonsiga (ID card).

S Maxaa dhaca haddii caymiskayga gaarka ah aanuu bixin kharashka adeeg?

J Dhakhtarku waxa uu marka hore kharashka ku dalici doonaa caymiska gaarka ah. Haddii adeeggaa kharashkiisa aanu bixin caymiska gaarka ahi laakiin uu yahay mid kharashkii ay bixiso Medicaid, waxay biilka ama kharashka u soo diri doonaan DSHS si loo bixiyo. Si aad u hubsatid inaanay jirin wax dhibaatooyin ah, fadlan marwalba u hubso in daryeel bixiyahaagu uu qaato kaadhkaaga aqoonsiga caafimaadka (medical ID card) isla markaana uu kharashka ku dalaco DSHS.

waxay ka sii socotaa dhabarka



S Maxaan u baahan ahay inaan sameeyo si aad iiga bixisaan qayb-bixinta caymiska caafimaadkayga (premium)?

J Na soo wac. Waxa aanu u baahan nahay war ku saabsan caymiska caafimaadkaaga, inta ay le'eeg tahay qayb-bixintaadu, goorta lagaa rabo iyo adiga ama shaqo-bixiyehaaga ka bixiya qayb-bixinta. Marka aanu helno warkaa, waxa aanu kuu sheegi doonaa haddii aanu bixin karno qayb-bixintaada.

S Maxaan u baahan ahay inaan sameeyo si Medicaid iiga bixiyo jeeb-ka-bixinta (co-pay) iyo ka-jarista (deductible)?

J Na soo wac si aad u hubsatid in aanu warka caymiskaaga caafimaadka ee gaarka ah ku hayno faylka. Furahaaga afarta tiro ah ee caymiska (insurance code) waxa uu ku qoran yahay kaadhkaaga aqoonsiga caafimaadka (medical ID) isagoo ku hoos **qoran safka caymiska**. Warkaasi waxa uu adeeg bixiyeyaasha u sheegayaa inaad lahayn wax jeeb-ka-bixin ah ama ka-jaris ah. Haddii ay taa su'aal ka qabaan, u sheeg daryeel bixiyehaaga inuu na soo waco. Ma rabno inaad bixisid kharashka wax aanay ahayn inaad bixisid.

S Ma la i weydiin doonaa inaan bixiyo faraqa u dhexeeya inta Medicaid bixinayso iyo inta u le'eeg yahay biilka ama kharashka uu daryeel bixiyahaygu soo saaro?

J Maya. Marka dhakhaatiirta ama daryeel bixiyeyaasha kale la shaqeeyaan Medicaid, waxay oggalaadaan waxa Medicaid bixiso kugumana soo dalici doonaa faraqa labadaa u dhexeeya. Haddii lagugu soo dalaco, isla markiiba na soo wac. Laguguma soo dalici karo kharashka ama lagaama codsan karo inaad bixisid adeeg ay kharashkiisa bixiso DSHS.

S Ka waran haddii caymiskayga gaarka ahi dhamaado ama isbeddelo?

J Waxa muhiim ah inaad na soo wacdid noona sheeg wixii ah isbeddelo ku dhacay caymiskaaga. Waxa aanu cusbooneysiin doonaa faylkaaga waxana kuu si socon doonaa helitaanka daryeel caafimaad iyadoo la isticmaalayo Medicaid in alaale inta taasi kuu banaan tahay.

S Ka waran haddii aan qabo su'aalo kale?

J Haddii aad qabtid su'aalo ku saabsan caymiskaaga caafimaadka ee gaarka ah, si toos ah u wac caymiskaaga. Wixii ah gargaar dheeraad ah ee ku saabsan sida kaadhkaaga aqoonsiga caafimaadka (medical ID) loola isticmaalo caymiskaaga gaarka ah, naga soo wac lambarka hoose.

**Wicis lacag la'aan 1(800)562-6136
Isu-duwidda Faa'iidooyinka
Isniin ilaa Jimce
8:00 subaxnimo ilaa 4:30 galabnimo**